



UNIVERSITÄTS-  
BIBLIOTHEK  
PADERBORN

**Henrici Canisi[i] Noviomagi, Belgæ, Jn Academia  
Ingolstadiensi SS. Canonum Profess. Ordinarii & Primarii,  
Opera Quæ De Ivre Canonico Reliqvit**

**Canisius, Heinrich**

**Coloniae Agrippinae, 1662**

In Cap. Ultimum.

---

[urn:nbn:de:hbz:466:1-62169](#)

## In Cap. Novit. 13.

**H**oc Cap. agitur de denuntiatione Ecclesia-

stica, quā quilibet uti potest in peccantem  
in se, juxta illud Matth. 18. Si autem in te  
peccaverit frater tuus, vade, & corripe eum Eccl. de  
qua vide dicta in Summa juris Canonici lib. 4, c.  
19. §. 16.

## In Cap. Ultimum.

## SUMMARIUM.

1. *Facti species.*
2. *Judicium possessorium & petitorium de una eadem que re institui potest.*
3. *Possessorum de quibus rebus instituantur.*
4. *De quibus petitorum.*
5. *Virumque in eodem libello cumulari potest.*
6. *De possessione, vel quasi, cognoscit etiam judex secularis.*
7. *Beneficium Ecclesiasticum ad tempus conferri non potest.*
8. *Possessio rei Ecclesiastica an sit res temporalis.*
9. *Ad juramenti observationem etiam judex secularis cogere potest.*
10. *Causa possessionis & proprietatis an coram diversis judicibus tractari possit.*
11. *Feria cessant in rebus perituriis.*

**H**oc Cap. à nobis prætereaandum nos sicut, cūm contineat materiam explicacione dignam. Species autem facti hæc proponit. <sup>†</sup> Orta erat controversia inter Abbatem & Monasterium Sanctæ Mariæ de Florentia, ex una parte, & communitatē castri Signensis, ex altera, ratione possessionis, vel quasi, eligendi Rectorem in eodem castro. Quia cum agitaretur coram Florentina potestate, id est judice, electio adjudicata fuit ipsi Monasterio. Finito hoc judicio possessione, Monachi elegerunt Rectorem, vigore dictæ sententia, quem detrectabant recipere subditi prædicti castri. Præterea ordinaria potestas compellebat dictum Abbatem & Monasterium, ut coram se responderent in causa proprietatis, vel quasi, juris eligendi Rectorem. De his consultus summus Pont. mandat Episcopo Bononiensi, & aliis duobus judicibus, ut, si resistase haberet, cogerent communitatē prædictam Rectorem à Monasterio electum recipere, cognituri postea de causa proprietatis, vel quasi. Itaque partibus coram his judicibus constitutis, ex par-

te communitatē dilatoria exceptio objecta fuit, quod scilicet propter vindemias respondere non cogerentur. Cui ex parte Monasterii responsum fuit, exceptionem hanc malitiosè opponi, ut scilicet causā protractā tempus electi Rectoris elaberetur. Quare S. Pont. secundò mandat, ut non obstante hac exceptione, judices in causa procedant. Huc usque facti species cum decisio-

nem. Ut autem sententiam hujus Cap. plenius adsequamur, sciendum est, duplex judicium de una eademque re institui posse regulariter, possessorium & petitorium. Possessorum ratione possessionis, vel quasi, videlicet adipiscendæ, retinendæ, vel recuperandæ. § sequens instit. De interdicto iuncto c. 3. & c. 4, inf. De causa possessi & propri. <sup>†</sup> Et autem possessio proprietatum corporalium, l. 3, in princ. D. De acq vel amittit posse. Quasi vero possessio rerum incorporalium, d. c. 3, & l. Si quis diuturno 10, D. Si servitus vind. & l. Querelam 20. D. De servitutib. Quandoque ramer hæc distinctio non servatur, ut in c. Olim inter 17, Derefit foliat. in d. c. 4, & int. 1, in V. possedit C. De servit & aqua. Ut hinc rectè existimet Panorm. h. num. 5, si rei corporalis possessio simpliciter in libello allegetur, non obid murari libellum. Textus vero hic, ad tollendam omnem disputationem, conjunxit utramque & possessionem & quasi possessionem.

Petitorium vero judicium instituitur de proprietate, vel quasi. Proprietas ipsius rei dominium est: quasi proprietas jus, quod in re incorporali prætendimus, extra possessionem: veluti si intendamus habere jus eligendi, eo quod sim membrum Capituli, vel quod legitimā præscriptione vel pacto mibi acquisivetur, d. c. 3, inf. De causa possi & propriet. aut si jus præsentandi allegem, quod sim fundator Ecclesiæ sive beneficij Ecclesiastici, c. Querelam 24, sup. De elect. & sic de simili bus juribus incorporalibus.

Utrumque judicium tam possessorium quam petitorium simul in eodem libello intentari potest & cu-

& cumulari: quod & in dubio præsumitur, quando causa simpliciter narratur in libello, quia censetur actor quaestionem proprietatis, vel quasi, in judicium deduxisse, una cum possessione, vel quasi, d.c. 3. & c. 4. inf. De causis poss. Ubi tamen actor solam possessionem probavit, non autem proprietatem, vel quasi, adjudicatur quidam ipsi possessione, sed eadem sententia possessione illi rursum adimicetur, idcirco quod tunc proprietatis causa trahat ad se possessionem, d.c. 3. & 4. & c. 6. inf. eod. tit. De causis poss. Nibilominus, si quis velit, potest utrumque judicium separatum intentare, alterum post alterum, diversis instantiis. Consultius tamen fecerit, si possessorum prius intenderit, ut si possessionem adsecutus fuerit, onus probandi proprietatem, vel quasi, subeat adversarius. Is qui destinat c. 5. D. de rei vind. & l. Ordinarii i.; C. eod.

Jamad Cap. nostrum proprius redeundo, videatur ei refragari textus in c. 2. sup. eod. quo interdiscit sacerdotali judicii, ne causam Ecclesiasticae ad suam cognitionem trahat: at in c. hoc nostro protestas Florentina cognovit de electione Rectoris, subaudi Ecclesiae, ut quidam interpretantur. Quod cum non improbet S. Pont. sed potius approbet, videtur certe adversari d. c. 2. ¶ Huic ob-

jectioni quidam respondeant, quod h. e. n. actum sit de possessione, vel quasi, quæ per se spectata temporalis est, etiam in rebus spiritualibus; si quidem nihil commune habet possessione cum proprietate, l. Naturaliter 12. §. 1. D. De ag. vel am. poss. Atque idcirco possessionis cognitionem pertinere putant etiam ad judicem sacerdotalem, sicut ex sententia Gl Baldi, & aliorum, tradit Covarr. quasi. c. 35. in princ. Quod profecto hic dici non potest, cum non agatur de Rectori Ecclesiae, sed de Rectori sacerdotali in Castro constitucando & eligendo, ut indicant verba textus in fine, ibi, ut videlicet causa protracta tempus regiminis electi preditti inutiliter elaboratur. Ita quod annum, vel certe alterius temporis fuerit officium, non Ecclesiasticum. Gl. & communiter DD. hic, seste. Covar. d. c. 35.

¶ Quippe beneficium Ecclesiasticum ad tempus conferri non potest, can. Sanctorum 70. Dist. Gl. in can. Pastoralis VII. q. 1. Cum autem Abbas & Conventus in praesenti causa fuerint actores, necesse est, communicatem predictam coram judge Florentino conveniri, quia actor sequitur forum rei, e. Cum sit generale 8. inf. De foro compet. & l. 2. C. De iuris. om. iud.

An autem possessio rei Ecclesiastice sive spiritualis sit res temporalis, ac subsequenter & ad sacerdotalem judicem pertineat, disputant Panor. in c. 2. inf. De juram calum. n. 6. & Covarr. d. c. 35. Et magis est, eam temporalem esse, nisi & spiritualitatis cognitionem annexam habeat: ut v. g. si maritus perat uxorem, quæ ab eo recessit, ubi restitu: simpliciter, judex sacerdotalis de eo quoque recte adiut. Si causam addat, quod inter eos contractum sit matrimonium, vel ipsa neget se esse uxorem, aut restitui non debere, propter consanguinitatem vel affinitatem, vel aliud impedimentum juris Canonici, hujus rei cognitione ad solum judicem Ecclesiasticum pertinet, d. c. 2. sup. hoc tit.

Idem usuvenit in juramento, ad cuius observationem judex etiam sacerdotalis cogit jurantem, c. 2. De iurejur. in 6. quamvis & Ecclesiasticus judex possit, e. ult. De foro compet. in 5. Ubi vero de juramento obligatione queritur, an licitum sit vel illicitum sit juramentum, obligatorium vel non obligatorium, hujus rei cognitione spectat ad judicem Ecclesiasticum, e. Novit circa fin. sup. h. t. quia hoc casu juris questione est.

Secundò videretur adversari huic textui nostro c. 1. inf. De caus poss. & prop. & l. Nullio. C. De jud. quibus prohibetur causa possessionis & proprietatis coram diversis judicibus tractari. At in specie textus nostri causa possessionis coram potestate Florentina agitata fuit: proprietatis vero causa jubetur tractari coram judicibus delegatis. Sed facile tollitur haec objectio, quia loquitur in delegatis judicibus, quos diversos impetrare non licet in causa possessionis, & in causa proprietatis, ne ad diversos judices distrahit reus: vel potius quia iudex, qui de una cognovit, instrueretur erit ad expedientem alteram causam. Et hoc est, quod vulgo dicitur, Continentiam causam dividit non debere, sed in impecrandis diversis judicibus.

Tertid, mirum est, cur hoc texture rejicerit summus Pont. exceptionem vindemiarum, contra textum in l. 1. D. De feris. & in c. fin. inf. eod. tit. Sed respondemus, id factum fuisse, quod tempus electi Rectoris, quod ipsi constitutum erat, pro administratione officii, inutiliter elaboretur: ¶ at vero in rebus perituriis cessant feriae, l. 3. D. De feris.